



## საქართველოს იუსტიციის უმაღლესი საბჭო

ქ. თბილისი № 1/17

“ 7 ” თებერვალი 2023 წ.

# ბ ა ნ კ ა რ ბ უ ლ ე ბ ა

### ქ. კოპალიანის რუსთავის საქალაქო სასამართლოს მოსამართლის თანამდებობაზე გამწესების შესახებ

„საერთო სასამართლოების შესახებ“ საქართველოს ორგანული კანონის 36-ე მუხლის მე-4 და 4<sup>1</sup> პუნქტების საფუძველზე და საქართველოს იუსტიციის უმაღლესი საბჭოს მდივნის თანდართული დასაბუთების შესაბამისად, ქრისტინე კოპალიანი 2023 წლის 15 თებერვლიდან გამწესდეს რუსთავის საქალაქო სასამართლოს სისხლის სამართლის საქმეთა კოლეგიის მოსამართლის თანამდებობაზე 3 წლის ვადით.

ნინო ქადაგიძე

საქართველოს უზენაესი სასამართლოს თავმჯდომარე  
საქართველოს იუსტიციის უმაღლესი საბჭოს თავმჯდომარე

## დასაბუთება

### ქრისტინე კოპალიანის რუსთავის საქალაქო სასამართლოს სისხლის სამართლის საქმეთა კოლეგიის მოსამართლის თანამდებობაზე დანიშვნის თაობაზე

„საერთო სასამართლოების შესახებ“ საქართველოს ორგანული კანონის 35-ე მუხლის საფუძველზე საქართველოს იუსტიციის უმაღლესი საბჭოს მიერ 2022 წლის 25 ნოემბრის №1/130 განკარგულებით გამოცხადდა მოსამართლეობის კანდიდატთა შესარჩევი კონკურსი საერთო სასამართლოების სისტემაში არსებულ ვაკანსიებზე. მათ შორის, რუსთავის საქალაქო სასამართლოს სისხლის სამართლის საქმეთა კოლეგიის მოსამართლის 1 ვაკანტურ თანამდებობაზე.

კანდიდატთა რეგისტრაცია მიმდინარეობდა 2022 წლის 28 ნოემბრიდან 14 დეკემბრის ჩათვლით. მითითებულ ვაკანსიაზე დარეგისტრირდა 7 კანდიდატი.

2022 წლის 20 დეკემბრიდან 2023 წლის 9 იანვრამდე მოსამართლის საქმიანობის შეფასების მართვის დეპარტამენტის მიერ კონკურსში მონაწილე კანდიდატებზე, მათ შორის ქრისტინე კოპალიანზე მოძიებულ იქნა „საერთო სასამართლოების შესახებ“ საქართველოს ორგანული კანონის 35<sup>2</sup> მუხლით გათვალისწინებული ინფორმაცია, რომელიც იუსტიციის უმაღლესი საბჭოს წევრებს წარედგინათ 2023 წლის 9 იანვარს.

#### **კანდიდატის შესახებ მოძიებული ინფორმაცია:**

ქრისტინე კოპალიანს აქვს სპეციალობით მუშაობის 11-წლიანი გამოცდილება. 2011 წლიდან მუშაობდა ქუთაისის საქალაქო, თბილისის საქალაქო, თბილისის სააპელაციო და საქართველოს უზენაეს სასამართლოებში, სხვადასხვა თანამდებობებზე.

ქრისტინე კოპალიანი იუსტიციის უმაღლესი სკოლის მე-16 ჯგუფის კურსდამთავრებულია.

იუსტიციის უმაღლესი სკოლის დამოუკიდებელი საბჭოს შეფასებით, ქრისტინე კოპალიანმა წარმატებით გაიარა თეორიული სწავლების, სტაჟირებისა და სემინარული მუშაობის ეტაპები, წარმატებით ჩააბარა სკოლის დამამთავრებელი გამოცდა. კანდიდატი იყო დისციპლინირებული მსმენელი. სკოლაში სწავლის პერიოდში მას არ დაკისრებია დისციპლინური პასუხისმგებლობა.

დამოუკიდებელმა საბჭომ ქრისტინე კოპალიანის დისციპლინა შეაფასა დადებითად და თეორიული კურსის დამამთავრებელი გამოცდის შედეგების, სავალდებულო სტაჟირების შედეგების, სკოლის დამამთავრებელი გამოცდის შედეგების, სტაჟირების კოორდინატორის, ასევე, სემინარის ხელმძღვანელთა შეფასებების შეჯამების შედეგად მიიჩნია, რომ მას გააჩნდა მოსამართლისათვის საჭირო თეორიული ცოდნა, პროფესიული უნარ-ჩვევები და პიროვნული თვისებები.

#### **კანდიდატთან გასაუბრება:**

საბჭოს წევრების მიერ კანდიდატების შესახებ მოძიებული ინფორმაციის გაცნობის შემდეგ დაინიშნა კანდიდატებთან გასაუბრება. საბჭოს წევრები კანდიდატ ქრისტინე კოპალიანს გაესაუბრნენ 23 იანვარს. გასაუბრება წარიმართა ღია სხდომაზე.

### **კანდიდატის შეფასება:**

2023 წლის 27 იანვრიდან 2 თებერვლის ჩათვლით პერიოდში იუსტიციის უმაღლესი საბჭოს 10-მა წევრმა კანდიდატი ქრისტინე კოპალიანი შეაფასა კომპეტენტურობისა და კეთილსინდისიერების კრიტერიუმების მიხედვით.

ქრისტინე კოპალიანს კეთილსინდისიერების კრიტერიუმით შეფასებისას, საბჭოს შემფასებელმა ათივე წევრმა მიიჩნია, რომ იგი სრულად აკმაყოფილებს აღნიშნულ კრიტერიუმს.

საბჭოს წევრთა მიერ ქრისტინე კოპალიანის კომპეტენტურობის კრიტერიუმით შეფასებისას ამ კრიტერიუმების მახასიათებლების მიხედვით კანდიდატის მიერ მოპოვებულმა ქულათა ჯამმა შეადგინა 833 ქულა, რაც ქულების მაქსიმალური რაოდენობის 83,3%-ია.

### **კენჭისყრის შედეგები:**

2023 წლის 7 თებერვალს რუსთავის საქალაქო სასამართლოს სისხლის სამართლის საქმეთა კოლეგიის მოსამართლის ვაკანსიაზე ჩატარებული კენჭისყრის შედეგად, რომელშიც მონაწილეობა საბჭოს 10-მა წევრმა მიიღო, ქრისტინე კოპალიანმა მოიპოვა 10 ხმა.

აღნიშნულ ვაკანსიაზე კენჭისყრის ბიულეტენში შეყვანილ იქნა 3 კანდიდატი, მათგან 1 ყოფილი მოსამართლე, 1 მოქმედი მოსამართლე და 1 იუსტიციის უმაღლესი სკოლის ყოფილი მსმენელი, კერძოდ:

1. გიორგაშვილი სანდრო - 0 ხმა
2. კოპალიანი ქრისტინე - 10 ხმა
3. შოშიაშვილი მაია - 0 ხმა

### **დასკვნა:**

კანდიდატის - ქრისტინე კოპალიანის კეთილსინდისიერების და კომპეტენტურობის (წერისა და ზეპირი კომუნიკაციის უნარის, პროფესიული თვისებების) კრიტერიუმების გათვალისწინებით, კენჭისყრის შედეგების საფუძველზე, სხვა 2 კანდიდატთან შედარებით უპირატესობა მიენიჭა და რუსთავის საქალაქო სასამართლოს სისხლის სამართლის საქმეთა კოლეგიის მოსამართლის თანამდებობაზე 3 წლის ვადით განწესდა ქრისტინე კოპალიანი.

ნიკოლოზ მარსაგიშვილი

საქართველოს იუსტიციის  
უმაღლესი საბჭოს მდივანი

